

Արձանագրություն N 7

Գենդերային բռնության դեմ պայքարի միջգերատեսչական  
հանձնաժողովի 2012 թվականի նոյեմբերի 29-ի

Օրակարգ

1. <<Ընդդեմ գենդերային բռնության 2013 թվականի միջոցառումների ծրագիրը հաստատելու մասին>> Հայաստանի Հանրապետության Կառավարության արձանագրային որոշման ներկայացում
2. <<Ընդդեմ գենդերային բռնության ակտիվության 16-օրյակ>> ամենամյա հանրապետական քարոզարշավի մասին
3. <<Ընտանեկան բռնության զրի դարձած կանանց տրամադրվող ծառայությունների բարելավում>> ծրագրի ներկայացում
4. Ելույթներ, մտքերի փոխանակում

Մասնակցեցին

Ֆ. Բերիկյան

<< աշխատանքի և սոցիալական հարցերի նախարարի տեղակալ (*հանձնաժողովի նախագահ*)

Լ. Ղազարյան

<< աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետ

Գ. Հայրապետյան

ՄԱԿ-ի Բնակչության հիմնադրամի ներկայացուցչի օգնական (համաձայնությամբ)

Լ. Ահարոնյան

<<Կանանց ռեսուրսային կենտրոն>> հասարակական կազմակերպության համանախագահ (համաձայնությամբ)

Դ. Սարգսյան

<<Կանանց իրավունքների կենտրոն>> հասարակական կազմակերպության ներկայացուցիչ (համաձայնությամբ)

Ս. Գրիգորյան

ՄԱԿ-ի փախստականների գերագույն հանձնակատարի գրասենյակի իրավաբանական բաժնի աշխատակից (համաձայնությամբ)

Մ. Աղաջանյան

<< կրթության և գիտության նախարարության աշխատակազմի զարգացման ծրագրերի և մոնիթորինգի վարչության գլխավոր մասնագետ

Է. Վիրապյան

<< աշխատանքի և սոցիալական հարցերի նախարարության աշխատակազմի կանանց հիմնահարցերի բաժնի գլխավոր մասնագետ

Թ. Աբրահամյան

<< աշխատանքի և սոցիալական հարցերի նախարարության աշխատակազմի կանանց հիմնահարցերի բաժնի կրտսեր մասնագետ

**Ա. Մխիթարյան**

Աշխատանքի և սոցիալական հետազոտությունների ազգային ինստիտուտի սոցիալական աջակցության բաժնի պետ

**Ա. Թանաշյան**

ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետի տեղակալ, կանանց հիմնահարցերի բաժնի պետ  
**(հանձնաժողովի քարտուղար)**

Հանձնաժողովի նիստը բացեց ՀՀ աշխատանքի և սոցիալական հարցերի նախարարի տեղակալ, հանձնաժողովի նախագահ Ֆ. Բերիկյանը և ներկայացրեց օրակարգը: Մինչև օրակարգի հարցերին անդրադառնալը պարոն Բերիկյանը հանձնաժողովի անդամներին ներկայացրեց աշխատանքային խմբի կողմից «Ընտանեկան բռնության մասին» ՀՀ օրենքի, ինչպես նաև «Ոստիկանության մասին» ՀՀ օրենքում լրացումներ կատարելու մասին», «Հայաստանի Հանրապետության վարչական իրավախախտումների վերաբերյալ օրենսգրքում լրացումներ կատարելու մասին», «ՀՀ քրեական օրենսգրքում փոփոխություններ ու լրացումներ կատարելու մասին», «ՀՀ վարչական դատավարության օրենսգրքում փոփոխություն ու լրացումներ կատարելու մասին» և «ՀՀ քրեական դատավարության օրենսգրքում լրացումներ կատարելու մասին» ՀՀ օրենքների նախագծերի լրամշակման աշխատանքները: Նա, մասնավորապես, անդրադարձավ հոկտեմբերի 12-ին՝ ՀՀ աշխատանքի և սոցիալական հարցերի նախարարության նախաձեռնությամբ և ՄԱԿ-ի Մանկական հիմնադրամի աջակցությամբ կազմակերպված «Ընտանեկան բռնության մասին» ՀՀ օրենքի նախագծի քննարկումների և նոյեմբերի 13-ին՝ ՀՀ աշխատանքի և սոցիալական հարցերի նախարարության նախաձեռնությամբ ՄԱԿ-ի Բնակչության հիմնադրամի աջակցությամբ կազմակերպված «Ընտանեկան բռնության մասին» ՀՀ օրենքի նախագծի հանրային լուծման ընթացքում շահագրգիռ գերատեսչությունների և կազմակերպությունների կողմից բարձրացված խնդիրներին: Պարոն Բերիկյանը վերոհիշյալ միջազգային կամակերպություններին հայտնեց իր գոհունակությունը ընձեռած աջակցության կապակցությամբ: Նա ներկաներին տեղեկացրեց, որ օրենքի նախագծի փաթեթը սահմանված կարգով ներկայացվել է ՀՀ Կառավարություն և այն տեղակայված է ՀՀ աշխատանքի և սոցիալական հարցերի նախարարության ինտերնետային կայքում՝ [www.mss.am](http://www.mss.am) հասցեում:

Հանձնաժողովի անդամները իրենց մտահոգությունը հայտնեցին նախագծի, մասնավորապես, հիմնական օրենսգրքերում իրավական ակտերում առաջիկայում նախատեսվող փոփոխությունների կապակցությամբ, միևնույն ժամանակ նշեցին, որ կարճ ժամանակահատվածում աշխատանքային խմբի կողմից իրականացվել է բավականին մեծ աշխատանք:

Օրակարգի առաջին հարցի կապակցությամբ ելույթ ունեցավ ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետի տեղակալ, կանանց հիմնահարցերի բաժնի պետ Ա.Թանաշյանը: Նա ներկայացրեց «Հայաստանի Հանրապետության ընդդեմ գենդերային բռնության 2013 թվականի միջոցառումների տարեկան ծրագրին հավանություն տալու մասին» ՀՀ Կառավարության արձանագրային որոշման նախագիծը և ծրագրում ներառված միջոցառումները, նշելով առավել նշանակալի ծրագրերը: Նա նշեց նաև, որ հանձնաժողովի անդամները կարող են ներկայացնել իրենց առաջարկները նախագծի կապակցությամբ, որից հետո այն սահմանված կարգով կներկայացի ՀՀ Կառավարություն:

Օրակարգի երկրորդ հարցի կապակցությամբ ելույթ ունեցավ ՄԱԿ-ի բնակչության հիմնադրամի ներկայացուցչի օգնական Գ.Հայրապետյանը: Նա նշեց, որ ՄԱԿ-ը յուրաքանչյուր տարի մշակում է 16-օրյակի միջոցառումների օրացույց, որը տեղադրված է <http://www.genderbasedviolence.am> ինտերնետային կայքէջում: Պարոն Գ.Հայրապետյանը հանձնաժողովի անդամներին ներկայացրեց 2012թ. քարոզարշավի շրջանակներում ՄԱԿ-ի կողմից նախատեսված միջոցառումները: Իրենց կամակերպությունների կողմից նախատեսված ծրագրերը ներկայացրեցին նաև «Կանանց ռեսուրսային կենտրոն» հասարակական կազմակերպության համանախագահ Լ. Ահարոնյանը և «Կանանց իրավունքների կենտրոն» հասարակական կազմակերպության ներկայացուցիչ Դ. Սարգսյանը: Իրականացվելիք ծրագրերի մասին ամփոփ պատկերացում կազմելու նպատակով Ա.Թանաշյանն առաջարկեց, որ համապատասխան կառույցները հանձնաժողովին ներկայացնեն տեղեկատվություն «Ընդդեմ գենդերային բռնության ակտիվության 16-օրյակ» ամենամյա հանրապետական քարոզարշավի ընթացքում իրենց կազմակերպությունների կողմից իրականացված միջոցառումների վերաբերյալ:


Օրակարգի երրորդ հարցի կապակցությամբ ելույթ ունեցավ Աշխատանքի և սոցիալական հետազոտությունների ազգային ինստիտուտի սոցիալական աջակցության բաժնի պետ Ա.Մխիթարյանը: Նա ներկայացրեց ԱՄՆ Միջազգային Զարգացման գրասենյակի աջակցությամբ իրականացվող «Ընտանեկան բռնության զոհ դարձած կանանց տրամադրվող ծառայությունների բարելավում» ծրագիրը, որի նպատակն է նպաստել բռնության ենթարկված անձանց տրամադրվող ծառայությունների բարելավմանն ու հզորացմանը, նպաստել գենդերային բռնության ենթարկված անձանց պաշտպանությանն ու նրանց տրամադրվող ծառայությունների առավել արդյունավետ կազմակերպմանը: Ա.Մխիթարյանը ներկայացրեց նաև Ծրագրի շրջանակներում նախատեսվող աշխատանքերը, որոնք իրականացվելու են հանրապետության բոլոր մարզերում և Երևան քաղաքում, ինչպես նաև մարզերի մի շարք համայնքներում:

Ֆ.Բերիկյանը տեղեկացրեց, որ հանձնաժողովի անդամներին կտրամադրվի տեղեկատվություն «Ընտանեկան բռնության գոհ դարձած կանանց տրամադրվող ծառայությունների բարելավում» ծրագրի, դրա ընթացքի և արդյունքների վերաբերյալ:

**Հանձնաժողովը որոշեց՝**


1. Իգիտություն ընդունել Ա.Թանաշյանի և Ա.Մխիթարյանի հաղորդումները:
2. Հանձնարարել՝ հանձնաժողովի անդամներին մինչև 2012թ. դեկտեմբերի 7-ը ներկայացնել առաջարկություններ «Հայաստանի Հանրապետության ընդդեմ գենդերային բռնության 2013 թվականի միջոցառումների տարեկան ծրագրին հավանություն տալու մասին» ՀՀ Կառավարության արձանագրային որոշման նախագծի վերաբերյալ:
3. Հանձնարարել՝ հանձնաժողովի անդամներին ներկայացնել տեղեկատվություն «Ընդդեմ գենդերային բռնության ակտիվության 16-օրյակ» ամենամյա հանրապետական քարոզարշավի ընթացքում իրականացված միջոցառումների վերաբերյալ:

Հանձնաժողովի նախագահ՝



Ֆ. Բերիկյան

Հանձնաժողովի քարտուղար՝



Ա.Թանաշյան

/03.12.2012թ./